

PRIMA DIOECESANA
SYNODUS

S. TRIVENTINÆ ECCLESIAE

Ab Illustriss. & Reverendiss. in Christo
Patre & Domino,

D. ALPHONSO MARICONDA

Ejusdem S. Ecclesiae Episcopo

Celebrata die XXVI. Julii
A.D. MDCCXXI.



BENEVENTI, MDCCXXIII.

Ex Typographia Archiepiscopali.
Superiorum Facultate.

Dono M^{re} et R^{re} Epi Mariconda.



Laudamus haec Synodus in alia Synodo ejusdem
maximè de anno 1727. Tit. 25. cap. 5. ubi
dicitur, "quod fuit Typis sacris praecedentes
Domini Regni Proregis, ejusque collatione
et consensu approbatione et assensu. =

Notandum est quod Libenter Tit. 25. de
Constitutionibus, ubi nonnullas abrogat cui
Prædecessoris tam quoad ad multas
et quoad ad consue. = =

Sic in Synodo Salernitana Cardinalis
Salotti de anno 1553. in eadem legit Tempori-
marum et quatuor Regum = In Synodo
eiusdem Salernitana Archiepiscopi Torrey de anno
1561. in eadem legit approbato Regum
Salerni Consilium Regali Curia. = Et
Loc. eiusdem Lib. in Synodo Gallipolitana
de eodem anno 1561. = = =

In Synodo Maximè de anno 1560 appro-
bat a D. Carlo Borro Reg. Salerni. =



ANNO 1727. MARTII 17.

LIBRARIUS VATICANUS

Reverendissimo Patri Salernitano

Eminentiss. e Reverendiss. Signore.

DOmenico Brindesi Canonico Cantore della Cattedrale di Trivento, riverentemente espone a V.E. come desidera fare stampare in coteſta Stamperia Arcivescovile il Sinodo Diocesano celebrato da Monsig. Illustriss. Mariconda Vescovo di d. Città, nel quale l'Oratore ha esercitato l'uffizio di Segretario; la supplica perciò della solita licenza, e l'havrà a grazia, ut Deus.

M.R.P. Rector Scholarum Piarum videat, & in scriptis referat. Beneventi die 18. Junii 1723.

BH. AB. COSCIA VIC. GEN.

Eminentiss. ac Reverendiss. Domine.

Primæ Diocesanae Synodi Sanctæ Ecclesiæ Triventinæ ab Illustriss. ac Reverendiss. Dom. D. Alphonsò Mariconda, ejusdem Ecclesiæ Pastore vigilantissimo, zelo, parique sapientia, ac eruditione prædito, mense Julio sub die XXVI. MDCCXXI. celebratæ acta omnia, in hoc præsentì contenta libellò, Em. Vestræ jussu, accurate perlegi; In eisq; nihil indecorum, nihil dissònum, nihil erroneum, sed omnia, & Fidei Catholicæ, Ecclesiæ Romanæ, Conciliorum Trutis, & Patrum doctrinis conformia, ad Clerum reformandum, mores corrigendos, Populosq; in necessariis pro salute instituendos videntur sancita. Quæ de re ad tantam Cleri, Populorumque utilitatem prælo existimo perdigna, si ita Em. Vestræ videbitur.

Assistiss. ac Humill. Famulus

P. Jo: Petrus a S. Nicolao Schol. Piarum Rector

Attenta supra listâ relatione, imprimatur. Beneventi die 22. Junii 1723.

PH. AB. COSCIA VIC. GEN.

Alfonso Mariconda Vescovo di Trivento espone a V. Ec. come sotto li 26. del caduto mese di Luglio del corrente anno 1721. *servatis servandis*, celebrò il primo santo Sinodo Diocesano, e desiderando farlo stampare, impetra, come conviene, il Regio beneplacito; Supplicando V. Ec. restar servita di commetterne la revisione di esso a chi meglio le parrà, affinchè poi possa farsi dare alle stampe, e lo riceverà da V. Ec. a grazia, *ut Deus &c.*

Magnif. U. J. D. D. Ferdinandus Camarota videat, & in scriptis referat.

Mauleon R. Mazzaccara R. Giovene R. Pisacane R.

Provisum per S. Emin. Neap. 5. Aprilis 1723.

Illust. Myro, & Alvarez absentes. Mastellonus.

Eminentiss. Domine.

Studio, quo erat necesse, recognovi primam Diocesanam Synodum S. Ecclesiae Triventinae ab Alphonso Mariconda ejusdem Ecclesiae Episcopo, mense Julio anno 1721. celebratam; Nihilque in ea inveni, cur edi non valeat, nec ullum verbum, quo Regale jus perstringatur; unde typis mandari posse censeo, si Em. V. videbitur. Neapoli die prima mensis Maji 1723.

Emin. V.

Humillimus Servus

Ferdinandus Camarota.

La relatione, imprimatur, & in publicatione servetur. Pragm.

Mauleon R. Mazzaccara R. Giovene R. Pisacane R.

Provisum per S. Emin. Neap. 4. Maji 1723.

Illust. Myro, & Alvarez absentes. Mastellonus.

Illust. Dux Lauria non interfuit.

EPISTOLA PACIFICA.

ALPHONSUS MARICONDA;

*Patritius Neapolitanus, Dei, & Apostolicæ Sedis Græ-
tia Episcopus Triventinus, eidem S. Sedi immédia-
tè Subiectus, Sacræ, Cæsareæ, & Catholicæ
Majestatis Consiliarius, &c.*

Dilectissimis in Christo Fratribus, & Filiis, Clero,
& Populo Triventinis, Salutem in Domino
sempiternam.



Inter mystica Judaicæ Religionis
insignia, Talaris illa Pontificis
Tunica altiore omnium con-
templationem implebat, quod
tam miro artificio desuper con-
texta erat, ut quibusdam veluti
oculis, colorum varietate depi-
ctis, concinnaretur. Inde potissi-
mum in totius Hebraicæ Nationis
oculos in se unum coniectos esse, Pontifex admonebatur;
tum vicissim, quod ipsemet commissum sibi Gregem un-
dequaque circumspiceret, ne quid illi ad supernæ incolumi-
tatis necessitatem deesset, & incrementum. Jam me ha-
betis, Dilectissimi: eodem siquidem paludamento orna-
tum me veluti intuemini; ex quo Episcopalem vestrum
omnium mihi prorsus immerito demandatam sollicitudi-
nem suscepi: innumeris profectò oculis hæc distincta re-
fulget, ut mysteriosa illa imitari videatur animalia, quæ
plena erant oculis antè, & retrò. Vestrum quidem omnium

4
oculos in me unum defixos video, meosque vicissim in vos omnes conjicere, operæ pretium habeo, ac necessum. Vestri sanè obtutus a me uno cœlestes sacrarum doctrinarum radios, nō terrenarum opinionum vaporibus confusos, a me uno ingenuum Pastoralium virtutum omnium candorem, non illecebrarum cœno scdaturum, intueri fatagunt, atque sperant. Meorumque pariter oculorum erit omnino averti, ne videāt vanitatem, inque pauciores frequēter respicere; nulla proinde desidiosa vecordia soporatos esse, nulla propria utilitate lippos. nō intemperantia hebetes, non vilitate demissos, non fastu elatos, non iracundia accensos: sed adversus scandala, si quæ essent (quod Deus avertat) seridū torvos, nec nunquam eisdem ullo conniventes modo; semper tamen hinc zelo lynceos, inde benignitate amœnos, hinc inde justitia stabiles, unde quaque prudentia versatiles: sicque semper vigilantes ad Dei cultum fovendum, augendumque; non illum tantum, quo Templorum ornamenta, externæque cæremoniæ inspiciuntur, sed potius, quo ad eum oculos levemus nostros, qui habitat in Cœlis, sintque ad ipsum ita saltē nostri, sicut oculi Servorum in manibus Dominorum suorum.

Verū quā arduum, quā ingens, meosque excedens humeros pondus sit, Pastoralem hanc Stolam, allegoricos hosce præferentem oculos, induere, mecum habitans verè nosco, vobisque fateor. Satiùs proinde mihi foret, fulgida illa pretiosaque veste non indui, hæcque tantum atra humilique mei Benedictini Ordinis contentum esse. Hæc tamen mihi cogitanti, serioque animo revolventi, nescio quod, superhumanum tantummodo esse scio, robur, animumque inditum sensi, qui illico mentis oculos ad Cassinates Montes levare fecit, unde veniet auxillium mihi; atque utinam veniat, quem-

quemadmodum venit tot innumeris eodem insignitis habitu, non ad Episcopales tantum oculatas has Tunicas, sed & sacras Purpuras, Pontificiasque Stolas primas circumhabendas!

Hac ego nuptiali redimitus veste, ad Triventinam Ecclesiam Sponsam amanter contuendam accurro; tota namque pulchra est, inque eo pulcherrima, quod oculi ejus, qua fide non ficta, qua charitate simplici, sunt Columbarum. Ut & illud decus, illam omittam pulchritudinem, quam ipsi antiquissima ejus ex Samnio dat origo, vastissimaque amplitudo, qua inter Principes Aprutii Dioceses merito connumeratur, quadraginta & septem continens Oppida, tum Nobilitate, tum virorum frequentia praestantissima. Nec vestram omittam, Ecclesiastici, Laicique Viri, blandam, ex benigno etiam climate, indolem, morumque suavitatem: vestramque insuper, Nobiles, Proceresque, terreno ibi dominatu pollentes, comitatem; humanitatemque quam maximam. Quae quidem omnia eo vos dirigunt, alliciunt, impellant, ut clariori semper ferventiorique Religionis flamma illustrari curetis, atque foveri. Haec ornamenta, haec monilia Triventinae Sponsae utique tot ejus praeii dederunt viri, qui Aetate Christiana penè quarto labente Seculo, a Divo Casto initio facto, ad hanc usque aetatem, sacro ipsi fœdere sunt copulati; quos inter acriores mihi stimulos admoveere par esset, & deberet ejusdem meae Gentis Julius Caesar, qui a Gregorio XIII. ejus connubio destinatus, 24. annorum spatio ejusdem Thalamum illustravit; quando quidem Cathedralera penè collapsam restituit, Canonicorum numerum; quæ a reliquo sejunxit Clero, auxit, adque meliorem vivendi formam simul cum Populo manuduxit. Odeum. Organum, Suggestum, Altare primum, Archivum, Seminar-

narium, aliaque construxit, verè Præsul æterna memoria dignus a clarissimis Scriptoribus appellatus. Hi profectò illi sunt, qui cùm olim ad Divinam vos Sapientiam, & Justitiam erudierint, nunc optimè incolumitati vestræ fulgent quasi Stellæ in perpetuas æternitates.

Resumam igitur demissas humilesque animi vires, tamque Cœlesti fultus omine, auxilioque fretus, gaudens lubentissque, Pastorale munus vos inter adibo, mysticumque Pontificis amictum illum, allegoricis illis distinctum oculis induam. Atque ut ex integro mearum virium imbecillitas divino roboretur auxilio, descendat mihi jam a Patre luminum pars aliqua Solaris sui radii, sub quo universum Mundum collectum, Magno testante Gregorio, secundo stirorum Dialogorum libro, meus intuitus est Benedictus; ut eadem sub luce istius amplitudinem Diœcesis inspiciam adunatam. Descendat & similis oculorum vis, qua idem Patriarcha haud aliter ac simplici intuitu, retorta Rustici cujusdam vincula enodavit, ut & ego ipsi innoxius vigili vivoque visu tartareos omnes, si qui erunt in vobis, laqueos resolvam, confingam, atteram. Descendat mihi denique ad errorum tenebras eliminandas, concordiamque succendendam Cœlestis ignis, quo duo illi ex ejusdem Benedicti familia, veteres Antistites vestri Riccardus Cassini Montis, & Nicolaus Sublacensis Cœnobii, ambo eximia virtute alumni, undequaque coruscarunt: eodem siquidem munimine stipatus, & ego sperem, vestros pariter in me oculos inspecturos, quod Patre, ac Præsule indignum non erit vestro.


Quòd si quòd minùs tot ceteroquin paulisper diffusa virtutum luminaria mihi illucescant, an meos umquam effugiet oculos præsentissima isthæc radiorum copia nostri OEcumenici, verè Optimi, verè Maximi Pontificis
feli-

feliciter Regnantis **CLEMENTIS XI?** Jamdiu professæ
 solidissimarum doctrinarum, sanctorumque morum illu-
 xerunt coruscationes suæ Orbi terræ, ut nulli jam adeo
 rudes, adedque a Catholicis regionibus devii sint via-
 tores, quorum pedibus Verbum suum Lucerna, ac se-
 mitis Exemplum non sit Lumen.

Eja igitur, Dilectissimi in Domino Fratres, Filiique,
 unâ omnes Fide precemur integra, Spe firma, Chari-
 tate perfecta. Illumina Domine oculos nostros, ne um-
 quam obdormiamus in morte. Hic namque vigiles, per
 speculum in ænigmate intuētes Immensum illud, Inter-
 minum, Divinum, **Unum, Trinumque in Gloriæ Lumine**
 suo videbimus Lumen. Fiat. Fiat.

*Datum Romæ in Ædibus D. Callisti Quarto Idus Julii,
 Anno a Partu VIRGINIS Decimoseptimo supra Mil-
 lesum-Septingentesimum.*





PASTORALIS EPISTOLA

PRO SYNODI CELEBRATIONE.

ALPHONSUS MARICONDA,

*Patritius Neapolitanus, Dei, & Apostolicae Sedis Gratia
Episcopus Triventinus, eidem S. Sedi immediate
Subiectus, Sacrae, Caesaris, ac Catholicae
Majestatis Consiliarius, &c.*

Dilectissimis in Christo Filiis, Capitulo, & Clero,
Civitatis, & Diocesis, Salutem in Domino
sempiternam!



Ummus Sacerdos Alexander VII. cunctis Ecclesiae Patribus loquens, haec de Synodis habet (a) : Hoc enim persuasissimum vobis esse non dubitamus, nihil frequentianarum recognitione Synodorum celebratione Populorum salutem, ac veteri discipline constituendam accommodatius esse, quo intermisso, magna in moribus continuè ad omnem improbitatem, ac peccandi licentiam facta est immutatio. Haec affirmant Patres in Concilio Constantiensi (b) : Agri Dominici praecipua cultura est, quae depressas, tribulos, & spinas haeresum, & errorum, & schismatum extirpat, excessus corrigit, deformata reformat, & vineam Domini ad frugem uberrius fertilitatis adducit. Hinc manavit illa necessitas a

A

Sacris

(a) Bulla 20. (b) Can. 39.

Sacris Canonibus tam diligenter nobis imposita, quotannis Synodos convocandi; ut & in primo Concilio Nicæno (c), Antiocheno (d), Chalcedonensi (e), & postremo in Tridentino (f) statutum fuit. Hisce de causis, ex quo ad hanc Sanctam Triventinam Ecclesiam nullis suffragantibus meritis promoti fuimus, nihil nobis potius fuit, nihilque antiquius duximus, quàm huiusce Synodi celebrationem. Lustrata propterea per nostram Personalem visitationem universa utcumque amplissima Diocesi, ad Synodi convectionem, & celebrationem ea, qua par est, diligentia, animum applicuimus; jamque Omnipotenti Deo gratias agentes, ad optatam metam perduximus operam. Cùmque ex Diocesæ visitatione, & ex virorum omni exceptione majorum relatione deprehenderimus, quàm sit Clerus compositus, quàm instructus, & in Ecclesiastica disciplina versatus, quotque fructus dignissimus Prædecessor noster Fr. Antonius Tortorelli fel. record. ex Synodo ab ipso celebrata collegierit, ipsam in nostram adoptavimus, atque confirmavimus; quibusdam tantummodo detractis, a quibus commutatis, quibusdam verò magis explicatis; cùm perpenderimus, & exploratè cognoverimus, charitatem scilicet, tum injuria temporum, tum morum commutatione hominum in deterius tepuisse; cujus quidem ab ipsismet Generalibus Synodis probatissima habemus exempla; *Ipsa plenaria Concilia* (inquit Augustinus) (g) *sapè priora a posterioribus emendantur, cum aliquo experimento rerum aperitur, quod clausum erat, & cognoscitur, quod latebat.* Plura abrogavimus Statuta, quæ tunc temporis æqua reputabantur, sed hodie ob-

te-

(c) Can. 5. (d) Can. 20. (e) Can. 19. (f) Cap. 2. sess. 24. de reformat. (g) Lib. 2. de Baptismo cap. 3.

tempore, qui magis magisque inoleſcit, neglectum potius, quàm obſervantiam ſibi compararent. Ad quid pœnæ pecuniariæ, cùm earum exactio, vel eludatur, vel impræſentiarum perdifficilis reddatur, ac proinde leges, ceteroquin ſanctiſſimæ, vileſcunt, inque contemptum abeunt? Gladius Eccleſiaſticus nobis tributus eſt, hoc Eccleſia aſſiduè uſa eſt, hujus uſum Eccleſiæ Rectoribus mandant Sacri Canones; nihil potiſſimum in animo ſemper habuimus, quàm concordiam inter Sacerdotium, & Imperium pro poſſe fovere: Eccleſiaſticam diſciplinam, vel perturbatam reſtituere, vel vacillantem confirmare; vel conſervatam augere; pietatem, bonos mores, & doctrinam propagare, ac promovere; pauciſſimas quædam confirmatæ Synodo nos leges adjecimus; *Corruptiſſima Republica, plurimæ leges,* teſtatur Tacitus (h); *non enim in legibus condendis, ſed in optima vivendi educatione, imbuendis animis ſalus Populorum conſiſtit;* malè educatos qui ſem(inquit Cicero) (i) *exquiſitè ſcriptas etiam violare leges auſuros, liberaliter verà inſtitutos, honeſtos permianſuros.* Unde, Dilectiſſimi Filii, ſicut nos in his decretis nihil, niſi Dei gloriam, & veſtram ſalutem ante oculos habemus, ſic nihil optatius eſſe poteſt, quàm ut ita decreta ſerventur, ut pœnis, quæ delinquentibus impoſitæ ſunt, nullus relinquitur locus; magiſque tunc in agendo veſtra Religio, & probitas, quàm noſtra qualiſcumque in decernendo diligentia commendabitur. Valete.

A 2

IN

(h) 3. *Animalium.* (i) *In Arcopag.*
Annaliſum

INDICTIO SYNODI.

ALPHONSUS MARICONDA,

*Patritius Neapolitanus, Dei, & Apostolicæ Sedis Gratia
Episcopus Triventinus, eidem S. Sedî immediatè
Subiectus, Sacræ, Cæsareæ, ac Catholicæ
Majestatis Consiliarius, &c.*

Synodum Diocesanam hoc anno, Deo adjuvante, habituri, ut Sanctorum Patrum instituta, præcepta, quæ sequamur, neque perdat ille fructus, quem ex ea capere omnes possumus, monemus in Domino, ac pœnis Sacrorum Canonum, seu aliis ad arbitrium nostrum propositis, jubemus in virtute sanctæ obedientiæ, ut omnes, etiam Regulares, qui in Diocesi nostra beneficia etiam simplicia, ac cujusvis generis, vel titulo obtiënt, & quicumque, qui de jure, vel consuetudine Synodo hujus Diocesis interesse debent, die vigesimaquinta proximi mensis Julii in nostra Triventina Civitate præsentés adsint, cùm die proximè sequenti, nempe 26. ejusdem mensis Julii, summo manè in nostra Cathedrali Ecclesia, eidem Synodo, Deo favente, initium dandum sit; neque verò pro se alios mittendi, nisi qui legitimo detineantur impedimento, quod nobis probaverint, licentiam sibi assument. Volumus autem; ut hæc Synodi Indictio affixa valvis Cathedralis Ecclesiæ, ita omnes, & singulos interesse debentes afficiat, ac si fuisset singulis singulatim intimata. Datum Triventi ex nostro Episcopali Palatio die 19. Junii 1721.

ALPHONSUS EPISCOP. TRIVENTINUS.

Affixa fuit die decimanona Junii 1721.

D. Cantor Brindesi Secr. Synodi.

DE-

DECRETUM

De Synodi Inchoatione.

In nomine Sanctissimæ, & Individuæ Trinitatis,
Patris, & Filii, & Spiritus Sancti. Amen.

NOs Alphonfus Mariconda, Patritius Neapolitanus, Dei, & Apostolicæ Sedis Gratia Episcopus Triventinus, eidem Sanctæ Sedi immediatè Subjectus, Sacræ, Cæsareæ, ac Catholicæ Majestatis Consiliarius, &c. Ad Dei Omnipotentis, & Beatissimæ Virginis Dei Matris MARIE, Sanctorum Christi Martyrum Patronorum, ac Tutelarum nostrorum Nazarii, Celsi, & Victoris, atque Sancti Patris Benedicti laudem, nostram primam Diocesanam Synodum incipimus, & exordimur; Deum ipsum Omnipotentem humillimè deprecantes, ut pro sua misericordia, ac precibus & meritis ejusdem Beatissimæ Virginis, ac præfatorum, & aliorum Sanctorum, ex hoc sacro cœtu lumen, & spiritum, sicut speramus, omnes, ad nostra peragenda officia juxta ipsius voluntatem, reportemus.

Reliqua decreta in Synodo habita, videlicet: de modo vivendi in ipsa Synodo, cum tabella discipline Synodalis: de ministris Synodi, cum eorum catalogo: de præjudicio non afferendo: de non discedendo a Civitate: de Oratione publica: de Fidei professione: de Clero vocando, & servitio Synodali agendo: de Officialibus Cleri, & alia, quæ in Sessione fieri solent, brevitatæ gratia hic omittuntur; habentur tamen in actis totius Processus Synodalis, quæ in Archivo Episcopalis Curie asservantur.

TITULUS I.

De Summa Trinitate, & Fide Catholica.

CAPUT UNICUM.

*Munia adimplenda per Parochos primâ Dominica
cujuslibet Mensis, Festisque solemnibus
post Evangelii enucleationem
decernuntur.*

Quoniam ad planiorem, ac faniorem Myſteriorum noſtræ Orthodoxæ Fidei interiorem aſſenſum, exteriorẽque confeſſionem (quorum primum, ut ait Apoſtolus, ad Juſtitiã, ſecundum verò ad Salutem neceſſarium eſt), ſummopere pertinere exiſtimavimus, ut præter ea, quæ de Fidei doctrina addiſcenda, atque edocenda in Prædeceſſoris noſtri ſalutaribus Inſtitutis exhibita, ac ſancita ſunt, virtutum quoque Theologiã non ſolùm interiores aſtus exerceantur, ſed etiam quædam exacta formula recitetur; ideo omnino ſtatuiſmus, & decernimus (prout ab initio noſtri Præſulatus primis Quadreſimalibus Ediſtis impoſuimus), ut omnes Paſſochi expreſſè doceant Populum, fuiſſe proſcriptas, ac jure merito proſcriptas ſequentes propoſitiones a ſel. record. Alexandro VII. n. 1. (k), nempe: *Homo nullo umquam ſuæ vitæ tempore tenetur elicere aſſum Fidei, Spei, & Charitatis, ex vi præceptorum divinarum ad eas virtutes pertinentium;* & ab Innocent. XI. nu. 17. (l): *Satis eſt aſſum Fidei ſemel in vita elicere;* ſciantque, ſingulis primis Dominicis cujuſlibet menſis, ac ſolemnibus Feſtivitacibus, prout ipſi judicaverint ſalubriùs expedire

(ex-

(k) 24. Septembris 1665. (l) 2. Martii 1679.

(expleto sermone consueto super Evangelio) pro dictarum trium Theologalium virtutum actibus rite addiscendis, ac eliciendis, pedetentim, ac de verbo ad verbum, clara, distincta, elataque voce a semetipsis (ut ab omnibus bene audiri, ac percipi possit), ac sola mente & corde a Popolo ad rumorem, confusioneque vitandā in Ecclesia, sequentem formulam modo superiùs relatam, & in eisdem nostris Quadragesimalibus Edictis expressè appositam fore recitandam; Atque in informandis pueris, & puellis super ceteris Christianæ Doctrinæ Mysteriis, ita illos, illasque subjectam formulam edoceant, ut, nisi ab ipsis sciatur, ac memoria teneatur, ad primam Sacramentalem Communionem minùs admittant; & insimul eosdem pueros, & puellas imbuant, & erudiant, ac hortentur, se sub mortali, præsertim in imminente mortis periculo, urgenti gravi in contrarium tentatione, præcepti Paschalis adimplerione, & ceteris solemnibus Christianæ vitæ sacris functionibus, debere prædictos actus revera exercere. Quæ omnia & singula sub pœna carolenorum decem pro quolibet vice adimpleant Pærochi, & exactè exequantur.

F O R M O L A

Degli Atti di Fede, di Speranza, e di Carità.

Atto di Fede.

IO credo fermamente, perchè così ha rivelato Dio alla Santa Chiesa Cattolica, che c'è un solo Dio, e tre Persone Divine uguali, che si chiamano Padre, Figliuolo, e Spirito Santo; delle quali se bene ciascuna sia Dio, nondimeno non sono tre Dei, ma un solo Dio, per:

perchè tutte queste tre Persone hanno la medesima Essenza, e Divinità, e che il Figliuolo si fece huomo, prendendo per opera dello Spirito Santo, Carne, ed Anima umana nel ventre della purissima Vergine Maria, e che morì per noi in Croce, risuscitò, e salì al Cielo, e di là ha da venire alla fine del Mondo a giudicare tutti i vivi, ed i morti, per dare per sempre a' buoni il Paradiso, ed a' cattivi l' Inferno; e di più per l' istesso motivo credo tutto quello, che crede, ed insegna la medesima Santa Chiesa,

Atto di Speranza.

DIO mio, perchè siete Onnipotente, ed infinitamente misericordioso, io spero, che per gli meriti di Gesù Cristo nostro Salvatore, e se farò opere da buon Cristiano, come propongo di fare con il vostro santo ajuto, mi darete la vita eterna.

Atto di Carità.

DIO mio, perchè siete sommo e perfettissimo Bene, vi amo con tutto il cuore, e sopra tutte le cose, e più tosto d' offendervi, son disposto a perdere ogni cosa; per amor vostro amo ancora, e voglio amare il mio Prossimo, come me stesso.



TITULUS II. *Laudan. Lic. Tit. in 25. Synodo Dec. anno 1727. pg. 25. 72. 11.*
De Constitutionibus.

CAPUT I. *anno 1727. pg. 25. 72. 11.*

Confirmantur Constitutiones Synodales ab Illustriss. & Reverendiss. Domino Prædecessore nostro Fr. Antonio Tortorelli sel. record. edit. & sub anno Domini 1688.

Cum igitur ; quarto jam absoluto nostri Præsulatus anno , universæ nostræ Diœcesis visitationem peregerimus, perque eam Ecclesias, Cleros, & Populos, eorumque mores perlustraverimus, abunde animadvertimus & cognovimus, Statuta, Decreta, & Synodales Sanctiones, per b. m. Illustriss. & Reverendiss. Dominum Fr. Antonium Tortorelli nostrum immediatè Prædecessorem, edita, jussâ, & sancita satis esse ad disciplinam Ecclesiasticam, & ad Gregem a Deo nobis commissum in officio continendum ; proinde operæ pretium duximus, ea, juxta eorum seriem & tenorem, ac de verbo ad verbum fore confirmanda, prout præsentî decreto confirmamus, & quatenus optis sit, iterum innovamus; præcipientes ea in posterum inviolabiliter observari, sub pœnis in eisdem constitutionibus, & decretis appositis, & aliis nostro arbitrio : cum additione tamen, & adjecctione quorundam nostrorum Decretorum, quibus aliqua illis adjicimus, aliqua de eisdem Synodalibus Constitut. & Decretis non immeritò detrahimus, aliqua verò magis explicamus, ceu nobis visum est magis expedire, ac conducere Salutis Animarum nostræ curæ, & Pastoralî sollicitudini

commissarum, Laicalium Universitatum quieti, & denique Regalis Jurisdictionis indemnitati; Cùm Salvator noster Christus Jesus in suo ipsius Evangelio (m), ea quæ sunt Cæsaris, Cæsari, & quæ sunt Dei, Deo fore reddenda; quemadmodum cunctis notum est, aperte asseverat, & mandat.

CAPUT II.

Peccata carnalia, Stupri scilicet, Incestus in primo & secundo gradu, Consanguinitatis sive Affinitatis corporalis, & spiritualis, Sodomia perfecta, Bestialitatis, Concubinatus, atq; Congressus carnalis inter Sponsos per verba de futuro, esse reservata quoad Viros tantum, enuntiatur.

CUM dubium nullum sit, quin mulieres propter gravia crimina, quæ quandoque perpetrarint, seu veriùs ob quandam noxiam erubescerent, & pudorem, quem veterinosus, & virulentus Inimicus earum ante oculos mentis ponit post lapsum, faciles sint in Sacra Exomologesi ad illa conticenda; ac præsertim si noverint suas graves, & atroces noxas, non a quibusvis, sed dumtaxat a Confessariis facultatem a reservatis absolvendi habentibus, posse remitti; ut tanto malo occurramus, & ne Pœnitentiæ Sacramentum, quod ad animarum salutem a Christo Domino institutum est, causa fiat obductionis æternæ: summo jure sancimus, peccata carnalia, Stupri scilicet, Incestus in primo & secundo gradu, Consanguinitatis, & Affinitatis corporalis, & spiritualis, Sodomie perfectæ, Bestialitatis, Concubinatus,

at-

TRIVENTINA.

atque Congressus carnalis inter Sponsos per verba de futuro, reservata absque excommunicatione ab eodem Illustriss. Prædecessore nostro in suis Synodalibus Constitutionibus, sub titulo 20. de Sacramento Pœnitentiæ in calce duodecimi Capitis, promiscuè quoad viros, & mulieres, esse quoad viros deinceps solummodo reservata.



CAPUT III.

Permittitur diebus Festis Pistoribus publicis panificium, sicut & venditoribus panem vendere, abrogata pœna in Synode nostri Prædecessoris statuta.

Quamvis omnes teneantur diebus Festis se ab operibus servilibus abstinere, nisi aliud suadeat pietas, vel necessitas urgeat, vel publica utilitas exigat; cognoscentes Nos tamen, & perpendentes, non parum conducere communi utilitati, & necessitati, panis confectio- nem, aliorumque comestibilium diebus Festis, & illo- rum venditionem, ad subveniendum præsertim paupe- ribus indigentibus, ac viatoribus: declaramus Pistores, & publicos venditores panis, dictorumq; comestibilium, ad prædictorum præsertim usum, tam pauperum, quam viatorum, immunes ab omni pœna a nostro Prædecessore in sua Synodo cap. 2. de observatione Festorum diebus Festis laborantibus infligta, permittentes eis ipsorum im- punè exercere opus; memorantes denique cunctis, De- um nostrum, qui pius est, & benignus, & cuius jugum suave, & onus leve, ex sua in Nos benignitate, pondera humeros nostros excedentia minimè nobis imponere voluisse.

*videamus sup hoc J. Thomæ 2. 2. q. 107.
an: q. ubi quæritur an lex nova sit exarata quam
veteris, et laudet auctor dicta ex Epistola Q. Augustini
ad Iovinianum, dicitur 119. nunc 55. = videatur ibi
NA*

*Natalij Alexandri in Theolog. Dogm. et moral. Lib. 25.
De sacris in genere cap. vlt. Prop. 1. pag. 202.
Tomi secundi. DIOECESANA SYNODUS
in oltro = = =*

C A P U T IV.

Alia abrogationes, detractiones, castigationes, & explicationes in Synodales prædictas Constitutiones Illustris. Domini nostri Prædecessoris sub uno capite collectæ, & comprehensæ.

Cum in perlegendis nostri Prædecessoris recensitis Synodalibus Constitutionibus intentè perpendifsemus, quæ nobis ad præsens visa sunt abroganda, de illis detrahenda, atque diminuenda, quæque magis explicanda, ut cunctis, (quoad fieri potest) per nos prospectum esse cognoscatur, quemadmodum ab initio in decreto confirmationis earundem Constitutionum, non obscurè, a nobis faciendum esse, innuimus; idcirco sub uno tantùm decreto, & capite, ad vitandam prolixitatem, detractiones, abrogationes, & explicationes prædictas fieri decernimus, & præcipuè eorum, quæ nunc temporis suum non consecutura effectum animo revolvimus, & difficillimè esse ad praxim reducibilia (quod cum apertè cognovissemus, ex iis, nostro Præfulatus tempore sumus passi multa impunè fieri), sed etiam inter potestatem Ecclesiasticam, & Laicalem contèiones, & controversias excitare, causare, & commovere dilucidè, & exploratè experti sumus. Unde:

Sub Tit. IV. Cap. I.

Poenam Excommunicationis, & librorum amissionis contra non exhibentes notam omnium librorum (cùm nullibi sic generaliter inveniatur statuta) meritò abolèmus: sed solum per instructionem Clem. VIII. adjectam regulis Indicis §. 1. monemus unumquemque retinere.

inentem penes se libros in Indice prohibitos absque licentia Sac. Indic. Congr. incidere in Excommunicationem sancitam, & innovatam in eadem S. C. I.

Cap. II. sub eodem Tit.

Prohibitionem introductionis librorum in hanc nostram Diocesim indiscriminatim factam, siue ad usum proprium, siue ut illos introducens vendat, nullius esse roboris, mandamus; sed solum intelligendam esse de libris, ut supra prohibitis, non verò de aliis non vetitis.

Cap. III. sub eodem Tit.

Cum regula in dicto capite tradita de libris prohibitis ab aliquibus cum explicatione, tamquam restrictioni obnoxia, accipiat, utpote quia habeatur regula secunda Indicis a Tridentino tradita, ex qua non omnes libri ab Hæreticis compositi sunt proscripti, sed solum ab Hæresiarchis, & tractantes ex professo contra Fidem Orthodoxam; Idcirco non tam late accipiendam esse, sed cum restrictione intelligendam esse, explicamus.

Sub Tit. V. Cap. III.

Regulam, per quam statuitur, ut nominatio Concionatoris fiat convocato parlamento Universitatis, &c. intelligendam esse de illis locis, in quibus talis viget consuetudo; secus verò de locis aliis, in quibus hujusmodi consuetudo non extat, declaramus.

Cap. IV. sub eodem Tit.

POena caroleri unius infligæ non interessentibus concioni, ex decreto Sac. Congr. in Castellatenen.
20. Augusti 1602. Canonicos, vel Participantes nolumus

mus subijci, neque esse obnoxios, cum contra eos sit statuta poena amissionis distributionis illius dici; sicuti & abrogamus poenam impositam in eodem capite adversus non claudentes apothecas, & officinas, dum Concio ipsa habetur.

Sub Tit. VI. Cap. III.

POENAM ducatorum trium contra depingentes, vel pingi, vel apponi facientes Imagines in Ecclesiis, vel locis piis, nisi prius delineatae a Pictoribus, ostense fuerint Episcopo, vel Vicario Generali, volumus afficere deinceps solum Clericos, non autem laicos, quos tamen poenae Interdicti Ecclesiastici, si in hoc deliquerint subijciemus.

Sub Tit. VII. Cap. I.

POENAM Censurarum statutam in non denuntiantes blasphemos, decernimus in posterum afficere tantum eos, qui audiverint aliquem blasphemum profertentem blasphemiam Haereticalem, quae est conjuncta cum errore Fidei, non vero simplicem, quae cum tali errore conjuncta non invenitur.

Sub Tit. IX. Cap. II.

ABrogantes poenam trium librarum ceree albae laboratae impositam in laborantes diebus Festis, statui-
mus, transgressores Festorum efficiendos esse poena Ecclesiastici Interdicti, si tamen semel & iterum correpti a suis Parochis, adhuc contumaces fuerint; sicut & quemcunque Confessariorum a nobis approbatorum posse eos ab huiusmodi peccato absolvere; & si per sex
Quare vices in id prolapsi fuerint, Poenitentem haud absolvent, nisi imposita ei gravi, & salutaris poenitentia, ut de cetero

tero a tali noxa abſtineat, & abhorreat.

Cap. III. ſub eodem Tit.

A Bolendum integrè decernimus idem Caput, in quo prohibentur fieri diebus feſtis executiones perſonales, ſive reales, etiam pro ſolutionibus Fiſcalibus, ſub pœna Excommunicationis, cùm maximè a Po-teſtate Laicali ſunt ſancitæ modèſtæ, & debitæ coercitiones contra carcerantes diebus Feſtis; onerantes tamen graviter conſcientias Miniſtrorum Laicorum, ut ab huiusmodi executionibus, ſive perſonalibus, ſive realibus, ſe abſtineant pro obſervatione, quoad ad hoc, dierum Feſtorum; necnō præcipitur in eodem capite Vicariis Foran-ſis, & Archipreſbyteris, ut notiſcent huiusmodi decretum Gubernatoribus, Judicibus, Univerſitatibus, & Executoribus: nam hoc prædictæ abolitionis expreſſione intelligendum eſſe ſignificamus.

Cap. IV. ſub eodem Tit.

Nullitatis contractus pœnam impositam, ſi contigerit præſtari iuramentum in contractibus ſine licentia Episcopalis Curia diebus Feſtis, prorsus tollendam fore ſancimus, præſertim ſi contractus inter perſonas Laicas celebretur, vel ſaltè m ſi unus ex contrahentibus Laicus foret.

Cap. V. ſub eodem Tit.

Prohibitionem, qua interdicitur Circulatoribus, ne Feriis ſextis exhibeant ridicula, & vana ſpectacula, etiam prætextu vendendi medicamina in conſpectu Cathedralis Eccleſiæ, vel aliorum locorum Matricis Eccleſiæ ſub pœna librarum decem ceræ albæ laboratæ, abrogatam eſſe declaramus; dummodo tamen in aliqua ex
Feriis

Feriis sextis dies festus non occurrat, quia in eo casu ipsos ab illis se debere abstinere monemus.

Sub Tit. XI. Cap. I.

Pecuniariam pœnam in dicto capite impositam contra deambulantes, & confabulantes in Ecclesia, dum Sacrum peragitur, verbum Dei prædicatur, & Divina pensa persolvuntur, sicut & adversus clamantes, rixantes, tumultuantes, commessantes &c. omnino abolemus; verum in idem Decretum peccantes, a nobis per Censuras districtè coercendos, & plectendos fore indubitanter noverint.

Cap. VIII. sub eodem Tit.

Cum onus Ecclesiæ verrendæ, non ad Clericos, sed solum ad Sacristam pertineat, ipsos ab hujusmodi onere declaramus imminues.

Sub Tit. XII. Cap. VI.

ABolemus itidem Excommunicationem latæ sententiæ infligam Syndicis, & Electis, & cuicumque Officiali Temporali, milites, vel satellites hospitio recipiendos in domibus Ecclesiasticorum, destinantibus.

Sub. Tit. XIII. Cap. II.

ABolemus etiam pecuniariam pœnam decretam adversus Procuratores montium pietatis, Monasteriorum Monialium, aliorumque locorum piorum Ecclesiasticorum, non conficientes spatio duorum mensium nova inventaria bonorum stabilium eorundem locorum, firma tamen remanente Excommunicationis pœna in Decreto statuta.

TRIVENTINA.

Cap. III. sub eodem Tit.

EXcommunicationem lātam in non revelantes usurpatores, illicitosq; detentores bonorum, fructuum, censuum, &c. locorum piorum Ecclesiasticorum, abrogatam; & abolitam esse sancimus, cū satis sit, illam ex Decreto Sac. Conc. Trid. sess. 22. cap. 2. de Reformat. efficere, ac ligare ipsos usurpatores, atque detentores illicitos.

Sub Tit. XIV. Cap. III.

Regulam de Legatis piis non solutis suo tempore, & deinde a Reverenda Fabrica S. Petri de Urbe in totum, vel in partem exactis, debere scilicet tunc heredes prius requisitos, & sua ipsorum avaritia, vel incuria non illa solventes, pati, ac subire damnum, non verò Ecclesias, in quarum favorem Legata facta erant, jure merito abolemus, ne in messem alienam falcem mittere videamur.

Sub Tit. XV. Cap. VI.

Multam pecuniariam vigintiquinque ducatorum solvendam ab iis, qui cadavera defunctorum, postquam Ecclesiasticæ sepulturæ tradita sunt, exhumare, non servatis de Jure servandis, nequaquam dubitent, ad finem capiendorum indiciorum per Curias Laicales, de medio tollimus, respectivè ad Laicos; quos tamen volumus in hujusmodi casu Excommunicationis poena irretiri: firma nihilominus, & in suo robore permanente utraque poena, quoad Ecclesiasticos, vel exhumantes ut supra, vel exhumari permittentes.

Sub Tit. XVI. Cap. II.

POenam carceris, vel aliam pro gravitate culpæ infligendam tam Parochis, quàm aliis Confessariis, & Sacramentorum Administratoribus, qui quacumque diei, vel noctis hora vocati ad Sacramenta administranda itlico non accederent; ac proinde æger, vel sine Sacramentorum susceptione, vel sine animæ commendatione ex hac vita migraret, restringimus ad solos Parochos, eorum Coadjutores, & ad quemlibet alium Sacerdotem, qui in eo necessitatis casu ex justitia, non verò ex charitate, & Sacramenta administrare, & animam ægrotantis commendare deberet.

Cap. III. sub eodem Tit.

Volumus, ut deinceps Clericus, sive majoribus, sive minoribus insignitus, qui quotannis ad hanc nostram Cathedralē pro receptione Sacrorum Oleorum, Feria Quinta in Cœna Domini, vel die antecedenti mittendus est, Ecclesiæ Curatæ cujuscumq; loci impensis ille mittatur. Quòd si in aliquo ex Oppidis nostræ Diœceseos plures Ecclesiæ Curatæ fuerint, uti in Anglono, Frusino, Castrosangro, Balneolo, Rhodio, Borrello, & Castropineano, tunc proportionaliter, & aquè ab illis Ecclesiis impensæ erogandæ, & faciendæ erunt.

Sub. Tit. XX. Cap. V.

Cum communi consuetudine ubique locorum receptum sit, sufficere Fidelibus, ut satisfaciant præcepto annualis Confessionis, & Communionis, si sua peccata cuilibet Confessariorum approbatorum confiteantur, Sacram verò Synaxim de manu proprii Parochi recipiant, declaramus, neminem suo ipsius Parocho

Sacra-

Sacramentalem Exomologesim facere , sed solum de manu illius Dominicum Corpus tempore Paschatis sumere teneri.

Sub Tit. XXII. Cap. III.

Quotiescumque evenierit, ut Gubernatores, Judices, Ministri de Regimine, alique, ad quos spectabit, ad primam Clericalem Tonsuram promovendis facere fidem renuant, ipsos scilicet Promovendos in Curia Seculari inquisitos non reperiri; statuimus, haud procedendum esse adversus eos ad Ecclesiastici Interdicti poenam, sed ad illorum Superiores majores fore recurrendum, ut Jure medio illos ad recensitam faciendam fidem compellant.

Cap. VI. sub eodem Tit.

Si quis posthac aggregatus servitio alicujus Ecclesie in hac nostra Diocesi, etiam nostrae Cathedralis, per mensem absuerit, ex quavis causa (excepta infirmitatis), decernimus, non illico deveniendum esse ad privationem loci, quem ille obtinebat, sed solum post duos elapsos menses, praemissis etiam debitis monitionibus, ac omnibus aliis de Jure faciendis; verum sub hoc Decreto non comprehenduntur ii, qui per duos menses, & ultra, nostra, vel nostri Vicarii Generalis licentia in scriptis concedenda absentes fuerint, nec etiam comprehenduntur, quorum aggregationes habent vim Beneficii, vel quasi, contra quos procedatur juxta Sacros Canones.

Sub Tit. XXIII. Cap. II.

Et si adversus contrahere audentes matrimonium, non praemissis solemnitatibus a Jure requisitis, in dicto Capite sit statuta, ac sancita poena ducatorum viginti, & in subsidium, Excommunicationis; Nos nihilominus

secundam pœnam Censurarum confirmantes, & corroborantes; cui eos omnino in casu huiusmodi temeritatis, & transgressionis subijciemus, annullamus, & abrogamus primam pecuniariam.

Cap. VII. sub eodem Tit.

Item abrogantes pœnam ducatorum decem, impositam Sponsis de futuro in eadem domo cohabitantibus, aut convenientibus, aut inter se colloquentibus, sancimus, & mandamus, illos innodandos esse Excommunicatione, si Nobis legitimè constiterit, se talia perpetrasse, & ipsorum commercium illicitum fuisse.

Sub Tit. XXVII. Cap. IV.

Ad medietatem, reducentes pœnam sex ducatorum impositam Personis Ecclesiasticis, tam non abstinentibus se a venatione cum armis, quàm lusoribus alearum, & taxillorum, delemus, & abrogamus trium ducatorum multam inflictam iis, qui alios ludentes, sive clangulùm, sive palàm viderent.

Cap. V. sub eodem Tit.

Ecclésiasticis nostræ Diœcesis permittimus detentionem armorum non prohibitorum domi ad sui defensionem; Pro Clericis verò arma prohibita cujuscumque generis sint, in domibus retinentibus, statuimus pœnam viginti ducatorum, & in subsidium, Excommunicationis, dummodo Nobis detentio eorundem armorum legitimè constet; si tamen cum eis quis illorum apprehensus fuerit, & in nostra Curia Episcopali clarè constiterit, ipsum damnationis pœnam ad triremes per annos duos tantùm non effugiturum; Insuper, Clericus, qui deprehensus fuerit sine causâ ulla a Jure permissâ,
extra

extra domum sine habitu, per quinque, aut sex vices; graviter nostro arbitrio mulctabitur, cassando omnino pœnam carceris in eisdem nostri Prædecessoris Constitutionibus impositam.

Cap. VI. sub eodem Tit.

ET si vigore Synodaliū Constitutionum recēsi nostri Prædecessoris vetitum sit Ecclesiasticis nostræ Diœcesis de illius finibus discedere sine Prælati licentia sub pœna ducatorum sex; Nos tamen ne videamur magis onerare, sed potiùs quodammodo levare nostros subditos aliquibus oneribus, quæ illis importabilia usquequomodo visa sunt, indulgemus eis, ut valeant etiam sine nostra licentia discedere ab eadem Diœcesi, & absesse per octo dies in casu repentino, seu eorum necessitatis, dummodo tamen accessus non sit ad nundinas, quo tempore dierum octo elapso, & ipsis non revertentibus, decernimus in eo casu medietatem pœnæ in prædictis Constitutionibus, transgressoribus infligæ, eos esse omnimodè soluturos; Párochis verò in eodem casu repentino permittimus pariter discessum a Diœcesi, & absentiam ab illa per quatuor dies, si tamen alium Sacerdotem substituant, qui eorum vices in cura animarum gerat. At si ultra id tempus absentes fuerint, vel non suffecto alio Sacerdote in suum ipsorum locum, discesserint, graviter eos pro modo culpæ plectemus.

Sub Tit. XXXII. Cap. I.

Fustigationis, & extractationis pœnam in Lenones; sive masculos, sive feminas comminatham, in Excommunicationis animadversionem commutamus. Quod si huiusmodi coercitione affectu ullo modo resipiscere noluerint, tunc per Magistratus Seculares illos prædicta fusti-

fustigationis, & exfractionis punitione plectendos esse pro posse curabimus; contra verò Concubenarios serventur examussim pœnæ illis a Sacris Canonibus infligē, deletis quibuscumque aliis in Synodo nostri Prædecessoris appositis.

Sub Tit. XXXVI. Cap. III.

Veterrimam Consuetudinem non congregandi Capitulum nostræ Cathedralis sine nostra, vel nostri Vicarii Generalis licentia, mirum in modum a nostris Prædecessoribus laudatam, & approbatam, Nos pariter laudamus, approbamus, atque confirmamus; Volumus autem (ad ostendendum amorem, quo idem nostrum Capitulum præ omnibus prosequimur), ut post petitam semel per ipsum a Nobis, vel a nostro Vicario Generali licentiam prædictam, se congregandi, illa semel concessa, sit perpetuò duratura, dummodo cū aliquam justam causam revocata non fuerit, excepto tamen casu aggregationis faciendæ alicujus simplicis Presbyteri ad medietatis emolumentorum participationem, in quo decernimus, ipsum tunc teneri licentiam petere se congregandi, ad finem eandem aggregationem faciendi; si secus factum fuerit, aggregatio ipso Jure nulla sit, & irrita, ceteris verò, quæ in dicto Capite sancita sunt, firmiter, & in suo robore permanfuris.

C A P U T V.

Diminuuntur vetera Multa pecuniarie apostolice in Synodo Dioecessana nostri Prædecessoris, de quibus in superioribus Decretis nulla facta est mentio.

IN quibuscumque locis Synodi nostri Prædecessoris, ubi agitur de pecuniariis multis, quas vel non ab-

fogavimus, vel non minoravimus in aliis nostris Decretis, decernimus & sancimus, transgressores illarum pœn-
nialium Constitutionum in futurum non damnandos esse
ad integram pœnam, sed solummodo ad pœnæ medietatem contra Personas Ecclesiasticas; contra verò Laicos
omnino abrogamus, ut cuncti aperte cognoscant, & fateantur, Nos tamquam Patrem & Pastorem, amorem
cum timore conjungere, & severitatem cum lenitate miscere, juxta Scriptorum interpretationem (n) super illud Psalmi 44. *Accingere Gladio tuo super femur tuum, potentissimè; Specie tua, & Pulchritudine tua. Gladius enim timorem designat, Species verò innuit amorem.*

CAPUT VI.

De Examinatoribus Synodalibus.

A Nimarum saluti maximè expedit, eas a dignis, atq; idoneis Rectoribus gubernari; cum autem id præcipuè ab Examinatoribus pendeat, ex præscripto Sac. Conc. Trid. in hac nostra Synodo viros spectatæ virtutis, solidæque integritatis eligi volumus (o), qui omnes de incorruptè, & fideliter exercendo suo munere, quacumque postposita humana affectione, jurabunt ad Sancta Dei Evangelia in nostris, vel nostri Vicarii Generalis manibus in hanc, quæ sequitur, formam.

Ego N. N. Synodalis Examinator ab Illustriss. & Reverendiss. Domino D. Albonso Mariconda Episcopo Triventino nominatus, & a S. Synodo approbatus, promitto, spondeo, & juro, me omni spe, metu, præmio, ac humana affectione remotis, munus meum hoc rite, & rectè adimpleturum. Sic me Deus adjuvet, & hac Sancta Dei Evangelia.

Ca-

(n) S. Joan. Chrysost. in Psalm. 44. (o) *Elenchus Examinatorum in calce hujus Synodi annexetur.*

Caveant autem prædicti Examinatores, ne quidquam prorsus occasione Examini, vel antè, vel post accipiant; alioquin simoniæ vitium, tam se, quam alios dantes incursum noverint; a qua quidem hi absolvi non poterunt, nisi dimissis Beneficiis, quæ quomodocumque obtinuerunt, & ad alia imposteriorum inhabiles reddentur. Benignè, & humaniter præfati Examinatores sese gerant cum Examinandis, ne timore concepto perterrescant, eaque tantummodo perquirant, quæ ad Parochiale munus, & animarum curæ exercitium pertinent; completoque Examine, nemini prorsus, nisi Nobis, vel Vicario nostro Generali assistentibus, approbatos, vel reprobatos, suffragiorum numerum, quidve in Examine evenierit, ullatenus manifestent.

Et quoniam audivimus, alibi, quod ceteroquin non planè credimus, a singulis Examinatoribus Synodali-
bus singulos assumi Cursores, nescientes Nos tamen ad quem finem Cursores ab eisdem Examinatoribus assumantur, cum hi aliud peragere non valeant, nisi examinare concurrentes ad regimen Ecclesiarum Curatarum, illosque vel approbare, vel reprobare; Idcirco Nos, qui non dissidia, & discordias excitare, sed concordiam fovere, & novitates fugere cordi summo opere habemus, mandamus omnibus, & singulis Examinatoribus, siue Secularibus, siue Regularibus in hac nostra Synodo electis, ne ullo pacto audeant sibi Cursores assumere, maxime cum nullo umquam tempore in hac nostra Diœcesi isthæc extiterit consuetudo; Imò nec permissimus nostri Præfulatus tempore, nec patiemur deinceps, Cursores assumi a nostris Vicariis Foraneis, & Parochis Diœcesis, quibus magis illis opus esse aliquando posset, & Nos tam pro Civitate, quam pro aliis locis nostræ Diœcesis, licet non pauca sint, utpotè quadraginta

ginta ferè sex, non plùs quàm sex tantùm Cursoribus
universim contenti sumus.

CAPUT VII.

De Judicibus Synodalibus.

Cum ex decreto Sacrosancti Conc. Trid. (o) præci-
piatur in singulis Conciliis Provincialibus, aut
Dioecesanis, aliquot personas designari, habentes quali-
tates requisitas a Constitutione Bonifacii VIII. incipien-
te *Statutum* (p), nempe Dignitate Ecclesiastica prædi-
tas, aut Personatum obtinentes, seu Ecclesiarum Ca-
thedralium Canonicos; & alioquin ad id aptas, prout
ex Constitutione Gregorii XV. quibus præter Ordina-
rios locorum, de cetero Ecclesiasticæ, ac Spirituales
causæ, & ad Forum Ecclesiasticum pertinentes in parti-
bus delegandæ, committantur a S. Sede Apostolica, vel
ab ejusdem Legatis, ac Nuntiis, ideo Judices Synoda-
les remanent nobis constituendi (q). Meminerint itaque,
se debere judicare in æquitate, & veritate, strictissimam
de hoc Deo Supremo Judici reddituri rationem. Cau-
sas ipsis a Superioribus Judicibus delegatas, qua majori
expedire poterunt celeritate terminari quàm diligen-
ter studeant, ac litigantium artibus in litium contesta-
tionibus, vel alia Judicii parte procrastinanda, sive sta-
tuti termini præfixione, sive competenti alia ratione oc-
currant, præsertim ubi agitur de piis locis, quorum in-
demnitati, quantum fieri potest, semper est consulend-
um, de alimentis præstandis, mercedibus solvendis;

D

mise-

(o) Sess. 25. cap. 10. (p) De refor. in 6. (q) Catalogus
Judicum in calce hujus Synodi legi potest.

miserabilibusque personis . Ex prædictis Judicibus Synodalibus poterunt Regulares sibi eligere Conservatores, qui eorum personas, bona, jura, privilegia, exemptiones, & immunitates defendant, ac tueantur, servatis tamen conditionibus a Gregorio XV. necnon a Sac. Conc. Trident. præscriptis, atque ab Innoc. X. confirmatis . Quod si secus, quam juxta formam in Apostolicis Constitutionibus statutam, iidem Regulares elegerint aliquos ad munus Conservatoris obeundum, nominaverint, seu reipsa deputaverint, aut electis, nominatis, seu deputatis, uti ausi fuerint, utriusque vocis privationem ipso jure incurrunt; neque ab hac pœna ab ullo, præterquam a Romano Pontifice absolvi poterunt, prædictorumque omnium Conventus, Monasteria, & loca hujusmodi, ac eorum personæ, & bona Conservatore carebunt ad annum; ipsos tandem Regulares monemus, ut facta electione alicujus ex supradictis in Conservatorem, hujusmodi electionis, seu assumptionis documentum penes acta nostræ Curiae exhibeant, & dimittant, alias electio ad nihilum suffragabitur, omniaque acta a prædicto Conservatore nulla, & irrita erunt.



TITULUS III.

De Qualitate Ordinandorum.

CAPUT UNICUM.

Duos Fratres non esse facile adscribendos Militia Ecclesiastica, neque unicos; Patrimonium constituendum integrè Ordinando in susceptione Clericalis Tonsuræ; relicta per Patrem aequali portione aliis filiis, & sibi, sancitur.

NE qua in parte Sacros. Conc. Tridentino adversari videamur, dicenti: quàmplures plerisque in locis, ad Ordinum susceptionem admitti ferè nullo delectu; atque etiam ad tollendas (quoad fieri potest) Universitatum Laicalium querimonias, propter adscriptorum Militiæ Clericali multitudinem; cum persæpè eveniat in una domo multos esse, qui Divinis mancipantur officiis, non tamen ut fidelem Deo cultum præstent, sed potius fraude fugiendi iudicii Secularis (r), & minùs solvendi onera Secularibus imposita, ac aliquando ad Ordines assumi, qui unici sunt, quique etiam Patrimonium, quo alantur, integrum non habent, etsi in Sacrorum Ordinum susceptione fidele, & fraudulenter apparere faciant, se illud integrè, & pacificè possidere; ex quo interdum fit, ut non habentes deinde unde honestè vivant, vel sordidum quæstum cum Ordinis dedecore exercent, vel victum ostiatim sibi quærere cogantur. Idcirco hoc præseti Decreto cunctis pateat, & innotescat, Nos posthàc nullo pacto promoturos ad Ordines, sive majores, sive minores, etiam ad primam Clericalem

D 2

Ton-

(r) Conc. Trid. sess. 23. cap. 4.

Tonsuram, eos, qui conditiones, & qualitates a Sacris Canonibus requisitas non habuerint, ac etiam non tam facile insignituros prima Clericali Tonsura illos, qui etsi ceteroquin cunctis conditionibus, & qualitatibus per eosdem Sacros Canones requisitis præditi invenirentur, haberent tamen vel alios Fratres, sive Fratrem, qui Divinis forent mancipati officiis; nec omnino, qui unici essent; Item constare debere in nostra Curia, Promovendum posse vivere honestè ex suis veris, & Patrimonialibus bonis; Quorum integra assignatio ex tunc in antea fiat Promovendo ad primam Clericalem Tonsuram in ipsius promotione; Nec ullatenus, sciant, Nos medietatem Patrimonii admissuros, prout ante Præsulatum nostrum, Illustrissimus Prædecessor noster fieri sinebat; Necnon (remota omni fraude, & fallacia) constare debere, relictam esse æqualem portionem bonorum Patrimonialium singulis aliis Fratribus, si quos fortasse habeat, ac ipsimet Patri, ne ulli umquam injuria fiat, & fraudibus prorsus in futurum aditus præcludatur.

TITULUS IV.

De Vita, & honestate Clericorum.

CAPUT I.

*Clerici ne deferant Vestes breves
more Laicorum.*

ETsi in Synodicalis Sanctionibus præfati nostri Prædecessoris *Tit. 27. de Vita, & Honestate Clericorum cap. 20.* nonnulla utiliter statuta fuerint de delatione
ve-

vestium, quas decet omnino Clericos deferre; Nos tamen illa magis explicando, districtè præcipimus omnibus, tam majoribus, quàm minoribus, etiam Clericali Tonsura insignitis, cujuscumque qualitatis, & conditionis existant, ne sive in Ecclesia, sive extra eam gestent vestem brevem, quamvis nigri coloris, cum ansis magnis, sive manicis appensis, neque concinnatam, cum aperturis ex utroque latere partis anterioris, vulgò dictis *le finte* Laicorum more; si secùs fecerint, medietate pœnæ in illis præscriptæ, & appositæ multabuntur, ut juxta Sac. Conc. Trid. Statuta⁽¹⁾, per decentiam habitus extrinseci, morum honestatem intrinsecam ostendant.

CAPUT II.

Faciendam esse Congregationem, quæ appellatur Patris Pavonii juxta methodum traditam in nostris Edictis Quadragesimalibus, proponitur. Pœna in transgressores statuitur.

Sedulò, ac seriò perpendentes, morum bonitatem in Populo, præcipuè ab eis originem trahere, qui se Divino ministerio manciparunt, juxta Prophetæ Malachiz eloquium *(1)*: *Labia Sacerdotis custodiunt Scientiam, & Legem requirunt ex ore ejus*: Unde non immeritò Sacerdotes antiquæ Legis, ut refert S. Gregor. Nyssenus, in vestibus suis has duas Hebraicas dictiones scriptas deferrebant: *Urim*, *Tummin*, quæ Latino idiomate idem sonant, ac *Doctrina*, & *Veritas*; ex quo Sacerdotes, aliis præbere doctrinam, & spiritu præcellere debere, omnibus exploratum est, cum reliqui de Populo in eos, tamquam in speculum, oculos coniciant, ut sumant ex eis quid imitentur, ne fortè illud aliud

Sacri

⁽¹⁾ Cap. 5. Sess. 14. de reformat. ⁽¹⁾ Cap. 2. 7.

Sacri Vatis adimpleatur (*u*), quòd multiplicentur Altitaria ad peccandum; & fiant Aræ in delictum. Itaque expresse, & districtè præcipimus universis Parochis, ut singulis hebdomadis, die ab ipsis assignanda, se congregent in suis Ecclesiis, unà cum ceteris de Clero, ibiq; fiat duorum casuum moralium discussio per eos proponendorum, saltèm sex diebus ante discussionem, ut quilibet illis valeat studere, & benè præbere responsum, cum interrogatus fuerit; & responsiones fiant, tam in scriptis, quàm oretenus, juxta methodum traditam a Nobis in Edictis Quadragesimalibus. Verùm ubi fuerit numerus minor Ecclesiasticorum, nimirum infra sex, ne hi otio torpeant, & debita scientia paulatim destituantur, jubemus, ut singuli, sive Parochi, sive in Sacris, & minoribus constituti, conficiant sibi singulos libellos, in quibus manu propria adnotent propositiones, & responsiones casuum moralium, quos discutere tenentur ceteri aliorum locorum nostræ Diœcesis, ubi major fuerit Congregatio. Itemque eodem tempore fiant alia exercitia spiritualia ad præscriptum Congregationis, quæ appellatur Patris Pavonii, de ordine nostro erectæ, ac fundatæ a primis diebus nostri adventus ad hanc nostram Cathedrallem, in tota Diœcesi; Sitque illorum mora in eisdem exercitiis peragendis hora una, sub pœna transgressoribus, & absque justa causa absentibus unius caroleni pro qualibet vice: & post aliquam notabilem summam, ex multis transgredientium per eosdem Parochos collectam, emanant Libri spirituales, sive morales, qui afferuntur in Sacristia ad universorum usum, & profectum; ac ita meliores effecti, doctrina, vita, & exemplo, ædificent domum, idest familiam Dei.

TI-

TITULUS V.

De Dignitatibus, & Canonicis.

CAPUT UNICUM.

*Dignitates, & Canonicos nostri Capituli Triventini
honorandos esse inculcatur.*

Tanta hodie inolevit temeritas quorundam Clericorum hujus ~~nostræ~~ Civitatis, & Diœcesis, tam majoribus, quàm minoribus Ordinibus insignitorum, ut putantes, ferè nullum discrimen esse inter ipsos, ac Dignitates, & Canonicos nostri Capituli, minùs eos debito prosequantur honore, tam in Ecclesia, quàm extra eam; At verò Nos nimium exoptantes, ut eis a cunctis, ut par est, debitus præstetur honor, sub pœnis nostro arbitrio, pro modo culpæ infligendis, præcipimus omnibus prædictis Clericis, tam in minoribus, quàm in sacris constitutis, sive Civitatis, sive Diœcesis, ne deinceps audeant, nedum quempiam eorum verbis contumeliosis afficere, sed nec per medium, sive ante eos transire capite tectò, prout a multis accepimus ab ipsis fieri; Quinimo, & in Ecclesia, & ubilibet illos venerentur, omnesque actus reverentiæ erga eos ostendant, ut ita Ecclesiastica Hierarchia conservetur, & qui in Dignitate constituti sunt, a ceteris inferioris ordinis per hæc, & alia similia reverentiæ signa dignoscantur; quo itidem honore, sub eisdem comminatis pœnis, prosequi debeant omnes Parochos, sive Curatos, nostros Vicarios Foraneos, ac Examinatores omnes Synodales, tam Seculares, quàm Regulares ejusdem nostræ Diœcesis.

TITULUS VI.

De Parochis.

CAPUT I.

Libros Parochiales asservandos fore per Parochos in Sacristia, non verò in eorum domibus, edicitur.

AD nostras pervenit aures, multos Parochorum hujus nostræ Diœcesis retinere penes se in propriis domibus libros Parochiales; cùmque incongruum sit, illos asservari in domibus, & non potius in Sacristia, sancimus propterea, ne in futurum sub pœna nostro arbitrio asservet præfatos libros in suis domibus, sed solum in Sacristia, vel in aliquo alio Parochialis Ecclesiæ aptiore loco in capsâ bene clausa; Hocque ad evitanda sinistra accidentia, fraudes, & calumnias, quæ umquam contingere possent, ceu nobis, aliquibus illorum evenisse, compertum est.

CAPUT II.

Jubentur Parochi munus Prædicationis exercere juxta Concilii Tridentini præceptum, ac quædam alia peragere.

NON sine maximo animi nostri mœrore audivimus, quosdam Parochos nostræ Diœcesis sui muneris oblitos, officium prædicationis verbi Dei (quod ipsorum est) ferè numquam exercere, cum non mediocri animarum suarum ipsorum curæ, & sollicitudini commissarum detrimento. Ideo omnes nostros intendentes nervos, ut huic malo occurramus, sub gravibus pœnis nostro arbitrio

trio, præcipimus eis, ne posthac hujusmodi officium alatenus prætermittant, sed juxta Sac. Conc. Trid. Statuta [x], diebus Dominicis, ac Solemnioribus Festis Sacrum Jesu Christi Evangelium Populo annuntient, & declarent, brevi, faciliquæ sermone pro suo, suarumque ovium capto, & hoc in Altari, in quo Divinum peragunt Holocaustoma, idest Sacrificium, memores illius Ezech. (y): *Pæ Pastoribus Israel, qui pascebant semetipsos: nonne Greges a Pastoribus pascuntur? Lac comedebatis, & lanis operiebamini, & quod crassum erat occidebatis: Greges autem meum non pascebatis. Et ne a quopiam decipiamur, & implinemur, mandamus, ut singuli eorum conficiant Librum, in quo ordinatè adnotent, seu registrent punctum alicujus virtutis, seu vitii, sive Mysterii, de quibus habuerit sermonem; quem Librum, cum requisiverint, teneantur (nulla interposita mora) ad Nos, vel nostrum Vicarium Generalem transmittere, ut si aliquem segnem, & inobedientem invenerimus, ad dignam coercionem devenire possimus. Si quis autem Parochorum (quod non tam faciliè credimus) penes se aliquos, vel aliquem saltè librum impressum, tractantem de modo sermocinandi non habuerit, sicut & si usque adhuc sibi de libris ad meditationes faciendas in superiùs recensita Congregatione Patris Pavonii deservientibus, non providerint, jubemus, ut post unius mensis lapsum ab hujus Synodi publicatione, sibi ipsis provideant. Quod si ulli ex eis non facile fuerit præfatos emere libros, quorum emptio exiguas requirit impensas, reddat de hoc Nos certiores, vel aliquè ex Examinatoribus Synodalibus nostræ Cathedralis, nam brevè illos emendos, & ad ipsos transmittendos curabimus. Qui secùs fecerint.*

E

rint.

(x) *Seff. 24. cap. 4.* (y) *Cap. 34. 2.*

42 DIOECESANA SYNODUS
rint, graviter pro modo culpæ plectentur.

TITULUS VII.

De Celebratione Missarum.

CAPUT I.

*Traditur ratio Sacerdotibus nostræ Diœcesis registrandi,
& adnotandi Missas, quas celebrant singulis
diebus.*

Licet ex nulla parte credamus, in hac nostra Diœcesi
adessè Sacerdotes, qui ex diversis devotis (quo-
rum alter alterum ignorat) non exigua onera Missarum,
ultra illud propriæ Ecclesiæ, cuius servitio sunt adscrip-
ti, accipiant, quibus deinde satisfacere valeant; attam-
en quia etiam conduntur Legez ad occurrendum, &
præcavendum alicui malo, quod de facili in futurum
evenire posset, & præsertim scandalo, quod Laici pate-
rentur, si certò ipsi scirent, Presbyteros exercere hujus-
modi iniquum, injustum, & detrimentosum mercimo-
nium, ob quod homines pii sita devotione frustrarentur,
& quandoque Animæ Purgantes, pro quibus ut pluri-
mum Missæ celebrari solent, expectatum ab eis suffra-
gium non sentirent; meritò hoc Decreto præcipimus, &
distictè mandamus omnibus, & singulis Sacerdotibus
hujus nostræ Triventinæ Diœcesis, ut post intercapedi-
nem unius mensis ab harum Synodaliū Constitutio-
num promulgatione, omnimodè conficiant parvum Li-
brum, in cujus capite adnotantes Annum, & Mensē,
registrent deinde Locum, Ecclesiam, & Altare, ubi ce-
lebraverint, & cui obligationi satisfecerint; exprimen-
tes pariter Personam, a qua pecuniam, & quamcumque
aliam

aliam rem pro Missarum celebratione receperint; atque in prima Missa ab eis celebranda, satisfactoris obligationi contrahæ cum eadem Persona, registrent distinctè, & clarè summam pecuniæ, aut valorem rei sibi ipsis traditæ; explicent quoque numerum Missarum, quas celebraturi erunt ob pecuniam, vel rem eis erogatam, ac tempus etiam, infra quod se illis celebrandis devinxere, & obligavere; quem Librum quilibet Sacerdos afferret, Nobis, vel nostro Vicario Generali, ut requisitus fuerit, tradendum; nam fortasse reclamantes, seu recursum habentes ad Nos, vel ad nostram Curiam, qui ipsis Sacerdotibus pecuniam, sive quamlibet aliam rem pro Missarum celebratione tradiderint, quiescant, & obmutescant exhibitione Libri; ac ita de fraudibus eis non ampliùs relinquatur ambigendi locus. Hoc nostrum Decretum violantes, pœna sex ducatorum noverint se fore irremissibiliter mulcandos.

CAPUT II.

A quibus se abstinere debeant Neomystæ, cum primò sunt celebraturi.

INcongruus planè, & indecorus est nobis visus usque modo observatus usus in hac nostra Diœcesi, ut scilicet cum aliquis novellus Sacerdos primam esset celebraturus Missam, omnes de Clero Superpelliceis induti se conferrent ad Domum ipsius Sacerdotis, ibique eum indumentis Sacerdotalibus ornatû & redimitum, unâ cum duobus Ministris ducerent personaliter in Ecclesiam, in qua erat celebraturus, ac deinde, (ceu solet fieri a sponsis cum primò traducunt suam ipsorum sponsam ad domum) convivia, & comestationes fiebant, choreæ du-

cebantur, pœanes canebantur, & convivæ inter scyphos ludebant, quod universis scandalo erat, & admirationi. Quare Nos, ad quos spectat inconveniētibus occurrere, ac malis omnibus providere, decernimus, hæc, & similia in his casibus, in posterum prorsus vitanda ab hujusmodi novellis Sacerdotibus, ac omnibus de Clero sub pœna nostro arbitrio; Indulgentes solum ipsi Sacerdotibus, ut valeant impunè quamdam mediocrem celebrare festivitatem, sine tamen tripudiis, & cantilenis: & ad mensam Ministros, & Consanguineos adhibere; ut tandem omnibus in suis actionibus Ecclesiasticæ Personæ ædificent, & plantent (z), non verò dissipent, destruant, & evellant.

TITULUS VIII.

De Sponsalibus, & Matrimoniis.

CAPUT UNICUM.

Parochi ne assistant Matrimoniis, tam inter Civet, quàm inter Exteros, nisi capta per nostram Curiam informatione de statu libero contrahere volentium, & licentia assistendi in scriptis obtenta.

Quia in contrahendis Matrimoniis quandoque solent dolosè, vel vera impedimenta conticeri, vel falsa apponi; quorum primum efficit, ut deinde si detegantur, connubia annullentur, non sine maximo scandalo, & Contrahentium, ipsorumque Consanguineorum dedecore, & propriæ existimationis diminutione; secundum verò, ne ea absque justa causa contrahantur: Quare ad his tantis malis occurrendum, præcipimus

(z) Jerem. I. 10.

pimus Parochis, ut quemadmodum eis in primo nostro Edicto Quadragesimali mandatum fuit, ne Matrimoniiis assistant tam Civium, quàm Exterorum, non premiffis priùs denuntiationibus in Ecclesia, capta per nostram Curiam informatione de libero Contrahentiù statu, juxta formulã Inſtructionum Sacræ Congregationis Universalis Inquisitionis S. Officii de Urbe, appositam in appendice Synodicarum Constitutionum nostri Prædecessoris, ac obtenta demum a Nobis, vel nostro Vicario Generali facultate assistendi, in scriptis concedenda. Ita de cetero adamuſſim exequantur, & omnino adimpleant; si secùs fecerint, graviter nostro arbitrio mulcæbuntur.

TITULUS IX.

De Privilegiis.

CAPUT UNICUM.

Decorantur Examinatores Synodales Capituli nostræ Cathedralis quibusdam facultatibus.

UT celerius expediantur negotia Parochorum, & Confessariorum hujus nostræ Diocæſeos, non raro epistolæ ad Nos mittentium gratia consequendi facultatem a casibus reservatis absolvendi, variis ut plurimum distentos curis, & negotiis, quæ quandoque haud sinunt, Nos posse illis extemplo præbere responsum, & necessariam potestatem eisdem imperari: idcirco statui-
mus, & decernimus, ut de cetero quotiescumque prædictis Parochis, & Confessariis hujusmodi facultate opus fuerit, postulent illam per litteras a Synodalibus Exa-
mina-

minatoribus Capituli nostræ Cathedralis, quos tantum, non verò alios Diœcesis ea præditos esse volumus: Qui etiam valeant impertiri licentiam exercendi opera servilia diebus Festis (justa, & gravi tamen concurrente, & impellente causa), necnon prorogare litteras Syllaticas, sive Dimissorias, & Patentales Confessoriorum, Nobis verò, vel nostro Vicario Generali consultis; ut si fortè quandoque ulli aliqua ex prædictis licentiis deneganda sit, per Nos, vel eundem nostrum Vicarium Generalem, id eis innotescat, & certiores reddantur. Ac denique novellos Sacerdotes super Sacrificii Missæ ceremoniis examinare: quos si illis rite imbutos, instructosque reppererint, ad idem Missæ Sacrificium peragendum admittant; attamen nolumus, ut sint obnoxii respondendo prædictis petitoriis litteris, sed solum in illarum calce petentibus licentiam impertiantur.

TITULUS X

De Pœnitentiis, & Remissionibus.

CAPUT UNICUM.

Parochi, & Confessarii audiant Confessiones Sacramentales in Ecclesia induti Superpelliceo, & Stola.

Præcipimus, & mandamus omnibus, & singulis Parochis, & Confessariis nostræ Diœcesis, ut in administrando Sacramentum Pœnitentiæ in Ecclesia, utantur omnino tum Superpelliceo, tum Stola pro decentiori ejusdem Sacramenti administratione; In locis verò montuosis prædictæ nostræ Diœcesis, in quibus hiemali tempore maxima solent esse frigora, permittimus eisdem Pa-

Parochis, & Confessariis, ut super Superpelliceum, & Stolam, in excipiendis Sacramentalibus Confessionibus adhibere valeant & Pallium. Si quis autem horum, sive Parochorum, sive Confessariorum hoc præsens Decretum infringere ausus fuerit, ad pœnam unius auri pro qualibet vice indispenfabiliter condemnabitur.

D E C R E T U M

De iis, quæ ad Nostri Prædecessoris, & Nostræ Synodorum Constitutiones pertinent.

HAs nostras Constitutiones Synodales, quibus Nos confirmantes, & approbantes Synodica Decreta Illustriss. & Reverendiss. Domini nostri Prædecessoris Fratris Antonii Tortorelli b. m. aliqua illis adjecimus, aliqua abrogavimus, aliqua de eis derraximus, aliqua verò magis explicuimus & enucleavimus, omnimodè ab omnibus, & singulis nostræ Jurisdictioni subjectis cujuscumque gradus, & dignitatis sint, observari mandamus (abrogatis tamen, & deletis omnibus Edictis per Nos emanatis a nostro adventu in hanc Cathedralē, usque ad celebrationem præsentis Synodi) ipsosq; obligare, & afficere, ac si unicuique specificè, & personaliter fuissent intimatæ. Quod ut faciliùs evenire possit, Vicariis Foraneis, Parochis omnibus, Clericis tam majoribus, quàm minoribus Ordinibus insignitis, ac universis Beneficiis, vel Beneficia cujuscumque generis obtinentibus, de his sibi provideri, easque sæpe sæpiùs revolvere, injungimus, ut in his perlegendis, ea, quæ ad ipsos pertinent, scire valeant, & ne quandoque temporum injuria in desuetudinem eas abire cōtingat.

Si

Si aliquam super hujusmodi Cōstitutionibus ambiguitatem, successu temporis oriri contigerit, Nobis, & Successoribus nostris declarandam reservamus, cum facultate interpretandi, moderandi, ac etiam in partem, vel in totū derogandi, auctoritatem nostram hic limitare non intendentes, sed arbitrio nostro reservantes addere quaecumq; prout juxta opportunitatem, ac Ecclesiarum, Subditorumque utilitatem expedire in Domino judicaverimus. Ubicumque de pœnis arbitrariis egimus, declaramus solū eas locum habere ubi in Jure certa non habetur imposita pœna, vel ubi delicti excessus de Jure non requirit majorem illa, quæ statuta fuit pro modo culpæ, & juxta facti, ac personarum qualitatem. Quoad verò pœnas pecuniarias, illas, vel locis piis indigentibus, vel pauperibus locis, miserabilibusque personis, arbitrio nostro (etiam ubi non exprimitur) applicandas esse volumus, & decernimus; reservantes etiam Nobis facultatem easdem pœnas pecuniarias, multasque moderandi, commutandi, aut in totum condonandi, & relaxandi, prout nobis magis expedire videbitur: auctoritate tamen **S. Sedis Apostolicæ** semper salva, cujus arbitrio, & voluntati Nos ipsos, & omnia hæc subjicimus corrigenda.

D E C R E T U M

De Synodi Conclusionē.

*Hæc est
Synodi
Conclusio
Prima
Decernimus
& conclusam
denuntiamus.*

Hæc sunt, quæ Spiritui Sancto, & Nobis decernenda, & promulganda visâ sunt in præsentī nostrâ Primâ Diœcesana Synodō, quam optatum finem consecutam complemus; propterea ipsam, Deo, qui eandem cepit, & perfecit, gratias agentes, concludendam esse decernimus, & conclusam denuntiamus. **DE.**

Vide in alia Synodo Revoluta 1727.

D E C R E T U M

De Synodi Dimissione.

AD laudem Omnipotentis Dei, Beatissimæque Virginis MARIE, ac Sanctorum Patronorum, & Tutelarium nostrorum Nazarii, Celsi, & Victoris, necnon Sancti Patris Benedicti, aliorumque Sanctorum, dissolutam, ac dimissam Synodum decernimus; ita ut unicuique licitum sit ad proprias Ecclesias redire. Hortamur autem in Domino & obsecramus omnes vos, Fratres charissimi, ut tales vos præbeatis in ministerio vestro, quales maximè convenit Sacerdotibus omni mundanorum cura segregatis. Illudq; maximè, cum redieritis, præstandum erit: ut Populus vos ab hac Synodo non mediocrem fructum reportasse, intelligat. Id fermè fiat; si novè Spiritus Sancti lumine illustrati, quæ est magna Synodorum vis, & virtus, ceteris in omni opere vestro posterum præluce studueritis, & in omni parte officii vestri omnem diligentiam adhibueritis. Quod ipse vobis Dominus, & luminum Pater concedat, donet, & impertiatur.



C A T A L O G U S

*Judicum, & Examinatorum Synodaliū ab Illustriſſ.
& Reverendiſſ. D. Episcopo Triventino pro Diœce-
ſis amplitudine uſque ad alteram Synodum ele-
ctorum, & ab univerſa Synodo per verbum
Placet receptorum, prout in Actis.*

JUDICES SYNODALES.

Ex Reverendiſſ. Cathedralis Capitulo.

Perill. & Ad. Rev. D. Nazarius Colaneri U. J. D. Ar-
chidiaconus.

Perill. & Ad. Rev. D. Januarius de Donatellis U. J. D.
Archipresbyter.

Perill. & Ad. Rev. D. Nicolaus de Donatellis Theſau-
rarius.

Perill. & Ad. Rev. D. Dominicus Brindesi Cantor.

Illuſt. & Ad. Rev. D. Jo: Claudius Bologneſe Canonicus.

*Deputatur iis, qui non ſunt U. J. Doctores in Aſſeſſorem
Rev. D. Joſeph de Alena U. J. D. Oppidi Fruſinoniſ hujus
Diœceſis.*

EXAMINATORES SYNODALES.

Ex Clero Seculari Urbano.

Perill. & Ad. Rev. D. Nazarius Colaneri U. J. D. Ar-
chidiaconus.

Perill. & Ad. Rev. D. Januarius de Donatellis U. J. D.
Archipresbyter. Per-

TRIVENTINA.

Perill. & Ad. R. D. Franciscus de Ovidio Primicerius.

Perill. & Ad. Rev. D. Nicolaus de Donatellis Thesaurarius.

Perill. & Ad. Rev. D. Dominicus Brindesi Cantor.

Illust. & Ad. Rev. D. Jo: Claudius Bolognese Canonicus.

Ill. D. Abbas Alexander Rossetti U. J. Professor.

Ex Clero Seculari Foraneo hujus Diocesis.

Ex Civitate Angloni.

Mult. Rev. D. Joseph Fiorito Archipresbyter.

Rev. D. Nicolaus Longhi Rector Curatus Parochialis Ecclesiae S. Nicolai.

Rev. D. Nicolaus de Antenuccio U. J. D. Rector Curatus Parochialis Ecclesiae S. Antonii Abbatis.

Rev. D. Agnellus Jonata U. J. D.

Rev. D. Nicolaus de Sanctopetro.

Ex Oppido Frusignanensis.

Mult. Rev. D. Jo: Baptista Raffaele Archipresbyter.

Rev. D. Hieronymus de Alena U. J. D. Rector Curatus Parochialis Ecclesiae S. Angeli.

Rev. D. Joseph de Alena U. J. D.

Ex Oppido Torellae.

Ill. D. Abbas Joseph Mascione U. J. D.

Ex Oppido Castri Sangri.

M. Rev. D. Joseph Mancino U. J. D. Archipresbyter.

Rev. D. Michael Mancino U. J. D. Rector Curatus Parochialis Ecclesiae S. Joannis Baptistae.

Ex Clero Regulari.

M. Rev. P. D. Gregorius Tarallo, Ord. S. Benedicti Congregationis Coelestinorum, Prior Ven. Monasterii Civitatis Angloni.

M. Rev. P. Antonius Sapio Praepositus Collegii Clericorum Regularium dictae Civitatis.

R. P. Lector Fr. Humbertus Semprebueno, Ordinis Prædicatorum.

Rev. P. Fr. Anselmus Filacchione, Ord. Min. Conventualium S. Francisci, S. Theologiæ Regens.

Rev. P. Fr. Felix de Alena Baccalaureus, ejusdem Ordinis.



TRIVENTINA.

53.

ROGITUS.

Præsidente Illuſtriſſ. & Reverendiſſ. Domino D. Alphonſo Maſſiconda Epifcopo Triventino, ac præſente Reverendiſſ. Cathedralis Capitulo, univerſoque ejusdem Civitatis, & Diœceſis Clero, ſervatis de more ſervandis, legitimè congregatis, omnes, & ſingulæ ſupraſcriptæ Conſtitutiones, ac Synodalia Decreta pluries in privatis Congregationibus a Viris doctrina præditis; prudentia, atque pietate præſtantibus, quàm diligenter diſcuſſâ, alta, & intelligibili voce ex ſuggeſtu Cathedralis Eccleſiæ lecta, & publicata fuerunt a Perill. ed Adm. Rev. Domino Dominico Brindesi Cantore ejusdem Eccleſiæ, & hujus Synodi Secretario a Dominatione Sua Illuſtriſſima deputato, ab omnibusque, de Capitulo, & Clero unanimiter, ſponte, & liberè recepta fuerunt, inſtante Ill. & Ad. R. D. Canonico Nicolao Pompilio prædictæ Diœceſanæ Synodi Promotore, qui acceptatis, &c. petiit ad omnem bonum finem, & effectum, & ſpecialiter, ut de præhabitis in futurum ſemper conſtare valeat, neve umquam ab aliquo, vel aliquibus allegari poſſit ignorantia, ~~per me inſcriptum~~ Cancellarium Reverendiſſimæ Curie Epifcopalis, ac publicum Apoſtolica auctoritate, & præſentis Synodi Notarium, ut unum vel plura conficerem, atq; traderem Inſtrumentum, & Inſtrumenta, prout opus fuerit, & requiſitus ero. Unde, &c.

Acta fuerunt ſupradicta in Cathedrali Eccleſia Civitatis Triventi Anno a Nativitate Domini Milleſimo ſeptingēteſimo vigefimo primo, Indictione Decimaquarta, Pontificatus autem SS. in Chriſto Patris. & Dom. D. Innocentiū Divina Providentia Papæ XIII. Anno primo;
Die

Die verò vigesima sexta Julii unica Sessione rite, & juxta formam consuetam habita, multis ibi præsentibus, & audientibus, & præsertim RR. DD. Andrea Felice, Marino de Paulo, & Francisco de Mastojacuo, Testibus ad præmissa omnia specialiter habitis, atque rogatis, &c.

Et quia ego D. Joannes Claudius Bolognese, Canonicus Tridentinus, Cancellarius Reverendissima Curia Episcopalis, Publicus Apostolica auctoritate, dist. eque Synodi Notarius, de prædictis omnibus, & singulis rogatus fui, ideo in fidem hic me subscripsi, publicavi, meoque solito Signo signavi, & muni.

Locus † Signi.



E D I C T U M

Super Syno di Publicatione.

ALPHONSUS MARICONDA,

*Patritius Neapolitanus, Dei, & Apostolicæ Sedis Gratia
Episcopus Triventinus, eidem S. Sedi immediate
Subiectus, Sacræ, Cæsareæ, ac Catholicæ
Majestatis Consiliarius, &c.*

Cum in casum cōdantur Le ges, nisi eas observandas
Conditor Legum obnixè procuret ; neque a quo-
quam hæ, ut par est, observabuntur, si postquam condi-
tæ fuerint, illarum publicatio negligatur ; Nos itaque,
qui primam Diœcesanam Synodum, servatis servandis
sub die 26. Julii anni 1721. in Cathedrali nostra Tri-
ventina habuimus, volumus & mandamus, ut quid-
quid in eadem ad Dei Gloriam, spiritualemque Anima-
rum nostræ Pastorali sollicitudini, ac vigilantia commis-
sarum profectum ~~sensimus~~, & statuimus, post Mensẽ
a die affixionis præsentis Edicti, juxta notẽ ad valvas
recentitæ Cathedralis faciendæ, vim publicæ, & invio-
labilis Legis habeat, & habere debeat ; ita, ut post dicti
termini lapsum, omnes, & singuli cujuscumque gradus,
dignitatis, & conditionis existant, tam in Civitate, quàm
in Diœcesi omnia, & singula Synodica acta, & Decreta
ad amissim observare adstringantur, non secus ac si fuisset
cuiuslibet personaliter intimato & notificata. Unusquis-
que igitur exactè illa custodire non tam multarum for-
midine, quas contra trāsgressores minitati fuimus, quàm

vir-

virtutis amore, pro posse conetur. Ita enim a Nobis, imò
verius a Cœlesti Patrefamilias, qui Nos in hac sua Vineâ
Cultores, & Operarios posuit, quisquis non auditor tan-
tùm, sed factor Legis fuerit, poterit promissam uberem
illam custodienti retributionem procul dubio præstola-
ri, & promereri. Et ne de præmissis, &c. ideo, &c. alias,
&c. Datam Angloni die 22. Junii 1723.

ALPHONSUS EPISCOP. TRIVENTINUS.

Locus † Sigilli.

D. Cantor Brindesi Secr. Synodi



IN:

I N D E X

Titulorum, & Capitulum Constitutionum
Synodaliū.

E <i>Pistola Pacifica.</i>	Pag. 3.
<i>Pastoralis Epistola pro Synodi celebra- tione.</i>	p. 9.
<i>Indictio Synodi.</i>	p. 12.
<i>Decretum de Synodi Inchoatione.</i>	p. 13.

T I T U L U S I.

De Summa Trinitate, & Fide Catholica.

<i>Cap. Unic. Munia adimplenda per Parochos pri- ma Dominica cuiuscumque mensis, Festis- que solemnibus post Euangelii enuclea- tionem decernuntur.</i>	p. 14.
<i>Formola degli Atti di Fede, di Speranza, e di Carità.</i>	p. 15.

T I T U L U S II.

De Constitutionibus.

<i>Cap. I. Confirmantur Constitutiones Synoda- les ab Illustriss. & Reverendiss. Domino Prædecessore Fr. Antonio Tortorelli sel. rec. editæ sub anno Domini 1688.</i>	p. 17.
<i>Cap. II. Peccata carnalia, Stupri scilicet, Ince- stus in primo & secundo gradu, Consang., sive Affinitatis corporalis, & spiritualis, Sodomia perfectæ, Bestialitatis, Concubi- natus, atque Congressus carnalis inter Sponsos per verba de futuro, esse reserva- ta quoad Viris tantum, cunctiatur.</i>	p. 18
<i>Cap. III. Permittitur diebus Festis Pistoribus</i>	

G

pu-

publicis panificium, sicut Et Venditoribus panem vendere, abrogata pena in Synodo dicti Prædecessoris statuta.

p. 19.

Cap. IV. *Aliæ abrogationes, detractiones, cassigationes, Et explicationes in Synodales prædictas Constitutiones præfati Prædecessoris sub uno Cap. collectæ, Et comprehensæ.*

p. 20.

Cap. V. *Diminuuntur ceteræ Multæ pecuniariae appositæ in Synodo Diocesana laudati Prædecessoris, de quibus in superioribus Decretis nulla facta est mentio.*

p. 30.

Cap. VI. *De Examinatoribus Synodalibus.*

p. 31.

Cap. VII. *De Judicibus Synodalibus.*

p. 33.

TITULUS III.

De Qualitate Ordinandorum.

Cap. Unic. *Duos Fratres non esse facile adscribendos Militiæ Ecclesiasticæ, neque unicuique; Patrimonium constituendum integrè. Ordinando in susceptione Clericali Tonsuræ, relictæ per Patrem equali portione aliis Filiis, Et sibi, sancitur.*

p. 35.

TITULUS IV.

De Vita, & Honestate Clericorum.

Cap. I. *Clerici ne deferant Vestes breves more Laicorum.*

p. 36.

Cap. II. *Faciendam esse Congregationem, quæ appellatur Patris Pazonii, juxta methodum traditam in Edictis Quadragesimalibus Illustriss. D. Episc. proponitur. Pena in transgressores statuitur.*

p. 37.

TITULUS V.

De Dignitatibus, & Canonicis.

Cap.

Cap. Unicum. Dignitates, & Canonicos Reverendiss. Capituli Tridentini honorandos esse inculcatur.

P. 39.

TITULUS VI.

De Parochis.

Cap. I. Libros Parochiales asserandos fore per Parochos in Sacristia, non vero in eorum domibus edicatur.

P. 40.

Cap. II. Jubentur Parochi munus Prædicationis exercere juxta Conc. Trident. præceptum; & quadam alia peragere.

P. ibid.

TITULUS VII.

De Celebratione Missarum.

Cap. I. Traditur ratio Sacerdotibus Diocesis registrandi; & adnotandi Missas, quas celebrant singulis diebus.

P. 42.

Cap. II. A quibus se abstinere debeant Neomystæ; cum primo sunt celebraturi.

P. 43.

TITULUS VIII.

De Sponsalibus, & Matrimoniiis.

Cap. Unicum. Parochi ne assistant Matrimoniiis, tam inter Civem, quàm inter Exteros, nisi capta per Episcopalem Curiam informatione de statu libero contrahere volentium, & licentia assistendi in scriptis obtenta.

P. 44.

TITULUS IX.

De Privilegiis.

Cap. Unicum. Deerrantur Examinatores Synodales dicti Reverendiss. Capituli quibusdam facultatibus.

P. 45.

TITULUS X.

De Pœnitentiis, & Remissionibus.

Cap.

*Cap. Unicum. Parochi, & Confessarii audiant
Confessiones Sacramentales in Ecclesia in-
duti Superpelliceo, & Stola.* p. 46.

DECRETUM

*De iis, quæ ad Ill. D. Prædecessoris, & præsentis
Synodorum Constitutiones pertinent.* p. 47.

DECRETUM

De Synodi Conclusionē. p. 48.

DECRETUM

De Synodi Dimissione. p. 49.

CATALOGUS

Judicum, & Examinatorum Synodaliū. p. 50.

JUDICES SYNODALES. p. ibid.

EXAMINATORES SYNODALES. p. 51.

ROGITUS. p. 53.

EDICTUM

Super Synodi Publicationē. p. 55.

FINIS.



12
27